

近代著名

圖書館館刊

薈萃三編

北京圖書館出版社

本社編

近代著名

圖書館館刊薈萃三編

北京圖書館出版社

蘇學
解學
PDG

第十冊目錄

江蘇省立國學圖書館館刊

第十年刊(續)

撰著

里乘(卷四) 柳詒徵

陳後山年譜 陳兆鼎

校勘

周易正義校勘記 柳詒徵

目錄

陶風樓藏清季江寧局署檔案目錄(卷五) 陳兆鼎 二〇七

題跋

本館新印書題跋輯錄 四九一

包安吳說儲上篇跋 (柳詒徵) 四九一

冷秋江緒風吟附江冷閣詩文校補跋 (柳詒徵) 四九二

金陵玄觀志跋 (柳詒徵) 四九四

龔用卿使朝鮮錄跋 (柳詒徵) 四九四

校補安南棄守本末跋 (柳詒徵) 四九六

議處安南事宜跋 (柳詒徵) 四九六

葉九來金石錄續跋 (柳詒徵) 四九七

宋元本章蘇州集跋 (柳詒徵) 四九八

江建霞來蝶仙堂詩畫冊跋 (柳詒徵) 四九八

表格

概況

本館歷年藏書統計表 五〇二

二十五年全館工作報告表 五〇五

二十五年各部分概況 五〇七

總務概況 五〇七

保管部概況 五一七

二十五年藏書統計表 五一八

二十五年善本書庫修補裝釘書籍工作表 五一九

二十五年普通書庫修補裝釘書籍工作表 五二〇

編輯部概況 五二一

閱覽部概況 五二二

二十五年閱覽數量統計表 五二三

二十五年閱覽書類統計表 五二四

二十五年閱覽人職業性別統計表 五二四

二十五年善本書閱覽書籍分類統計表 五二五

二十五年普通室閱覽書籍分類統計表 五二六

傳鈔部概況 五二七

二十五年傳鈔種冊葉片數工作報告表 五二八

二十五年傳鈔字數工作報告表 五二九

二十五年傳鈔外傳鈔工作報告表 五三〇

二十五年傳鈔經費收支一覽表 五三二

附傳鈔簡約 五三三

訪購部概況 五三四

二十五年購置圖書統計表 五三四

印行部概況 五三六

歷年印行書籍統計表·····	五三八
附寄售書籍簡約·····	五三九
簿錄及紀事	
善本書庫人藏圖書登記·····	五四一
訪購部購置圖書登記·····	五四七
置雜誌日報登記 本館傳鈔入庫書籍及自拓入	
庫金石本館印行入庫書籍 本館攝影入庫照片	

保管部收到贈送圖書登記·····	五八九
閱覽部收到贈送公報雜誌日報登記·····	六一七
印行部收到交換圖書登記·····	六三一
紀事·····	六三五
案牘	
二十五年案牘輯錄·····	六六三

里乘卷之四

柳詒徵

丁氏世學續記

爰据新文僊戒庵集述丁易洞補齋兩世學行及其門弟子以補邑志所未備館中近購得同治中京江丁氏族譜所紀易洞父子事實綦詳其傳誌藝文多有出於前輯之外者易洞墓誌即補齋自撰其林見素補齋傳及贊邵二泉祭補齋溺水文均可見其與當時名臣之交誼是不可以無錄也

京江丁氏譜卷七勅封徵仕郎中書舍人易洞府君墓誌嗚呼先中書府君易洞先生以弘治辛亥十月九日壬子終於家不肖孤穉通判廣信府太夫人與妻子偕醫養靡及嗚呼痛哉以貧越歲癸丑之十一月壬辰朔始克葬鎮江丹徒長山北大寺灣之新阡敢以不孝之辭追述遺德先君諱元吉字无咎其先本河南清河世族一世祖顓公徙祥符三世祖度公爲宋參知政事歷觀文殿大學士遷禮部尙書進右丞諡文簡七世祖素公於南渡登第歷官禮部尙書退居僑寓京口卒於邸九世祖煜公爲太府卿遷蘇湖常潤四州總轄遂居潤俱葬萬家灣其後是爲潤人曾祖諱熙拱祖諱德考諱甯以鄉貢進士爲建寧右衛經歷棄官而歸妣夫人華氏府君生於宣德丁未七月十四日庚子聰明夙異侍親庭宇甫逾十歲能與貴官抗禮就外傳每見奇獲聞高論旣長酷嗜學弗事舉業家貧借書讀博探勇進師友古人未服冠已教授行業日成開施鄉邦爲文高古豐暢詩兼衆長才

思逸僞奇遠而律度嚴正不失自以雖工無益所志不存也刑部侍郎林公一鶚守郡誠於郊歛焉相下延教郡門禮意曲盡欲薦之以不能仕辭公以廉正博雅相爲知己逮徙去至大官不衰凡更守三教於郡再文事攸賴而以禮自閑未始言及私及受人無處之饋名被四遠賓徒屢滿戶外居家孝養愛敬油然而親體不安憂容可掬成化丁亥居祖父喪無他業可藉以生也遺廬遜叔氏而勤於筆耕自給同季氏奉祖母居每疾夜走寢室立候安好甲午秋喪祖母與太夫人扶疾持喪備膺勞瘁訓職取進士第賜告歸婚一用儀禮以變習俗視璣京師以璣滿中書考壬寅十月被詔封徵仕郎中書舍人服命服拜闕下退著京華絮語紀所見聞樂遊宴居者二年視市朝事泊如也潤之郡乘我曾伯大父蘭室先生嘗續修久復闕免服日太守延至署內命公修輯以爲窮訪葺創新義例者法成郡要典朝廷修英憲二廟實錄兩採事蹟於郡皆綜其事公生子三止存璣一丁嘗遠謫無戚戚意除廣信慮其以已故不就職自挈以偕至則不妄接納遊山賦詩而已未幾遺戒辭於璧且言焉有子爲政父於所部出入能全令名者遂飄然還於草廬當拜送於驛時收淚顧語曰汝母爲我輕仕進第盡忠所事天不負汝有道餽糧金者峻拒之而行家居授徒自給一日飲自郡歸不豫疾彌留自言無所畏死唯以不見老妻諸孫及璣未徙官爲憾作辭世諸詩有周邵若遇也當相許之句病革語不可了呼曰移中下莫喻其目前屬纊一日有聲隱隱于寢閣中庭數辰方息明夕二鼓終于正寢季父春谷公主治醫斂春秋六十有五公爲學博涉宏肆訓析性理精深切至性樸

夷無矯飾慕淵明康節靜修爲人寬良仁愛休休善教而不爭足爲慈父友兄賢師貞士無忝也殘
馥餘焦及於論史考古醫方之說者足以破妄發蒙益人神智汎濫老佛悉其顛末茹清絕俗闢略
世故不識銖兩衣敝食蔬炊爨不繼而書未嘗去手逞遊情于山水間獨處七八年空堂隱几有脩
然世外風味嘗謂宇宙廓然如洞無一非易也而吾處其中扁所居曰易洞人因稱爲易洞先生踐
有司鄉飲賓席三十四年四方名士過必造廬考德問業者相屬也沒之日戚悵悵無所歸郡大夫
夙與之遊者皆哭盡哀赴弔者載途太夫人錢氏封孺人子璣餘二男一女蚤卒孫男三戚同尙孫
女一逢恩所著書百四十五卷文集六十四卷餘未脫稿嗚呼先君生平一意唯虛生是懼勵德之
勤著述之富以終其身常喜說養生家言得其指授然終不爲其所得於道何如哉初疾時遣書將
有所屬奚天降酷不少延使瘳志弗瞑而不肖孤生不祿養沒不含斂遂抱終天之戚負不子之愆
也不誠不信痛悔何及將以辭乞君子之銘然先君隱而不仕知盛德者莫詳於不肖亦不敢於吾
親有過情之稱惟誌其實以圖永久憶孤子璣泣血稽顙謹誌

林俊補齋先生傳先生諱璣字玉夫丁姓潤州人宋參知政事觀文殿學士文簡公之後太府卿總轄
煜公七世孫也祖密公棄建寧右衛經歷隱於鄉自號友陶太先生中書舍人元吉公學行高古學
者稱易洞先生先生服習庭訓明敏異常有慨然求道之志十歲屬文有趣尙十八抗顏師席是歲
領鄉薦又四年成化戊戌第進士乞假歸潤迎婦張氏明年選授中書舍人與同官烏傷王君汝並

名王年長踰倍尊爲益友吳文定公原博費侍郎公廷言皆文人行禮若平交陳石齋公甫至京師先生日接論道久而歎曰石齋克己功到其所學大類象山吾儒須內外動靜交養互發甲辰歲除夜星殞乙巳元正三日晝殞俱有聲先生應詔上封事論治道本末時政得失反覆數千言大要以正君心爲根本以教東宮振紀綱正風俗慎用人重名器蘇民困理財用飭兵備爲急務末言方士釋老宜加痛絕疏入留中羣姦切齒伺之無分毫失久之以同官公過連逮獨判普安公委北上次辰州聞憲廟訃三日不食孝廟嗣位起三原王公介庵爲上宰公功業自效聞先生至卽邀坐後堂咨訪竟日明日再邀不赴具言今日大本無急正君然非一人一日之力宜早堅主上嚮道之志開進賢之路庶幾本正源清制治保邦可次第而舉言甚切直介庵受之欲引爲吏部屬爲忌者所沮僅判廣信未三年凡再上提學不果遷而先生以易洞憂去位服闋卽蒙授興國知州居八月以錢孺人憂去位服闋倪文毅公當軸起先生爲南京儀制郎中未四月遷廣東按察使司副使奉勅提督學政歲餘入賀道經清遠山水暴漲舟且覆先生衣冠祝天度不能免闔窗端坐與側室陳氏二女伯子咸叔子尙季子啓一家十一人俱沒惟仲子同與一僕以他舟幸存嗚呼酷矣弘治癸亥三月十有五日也公生於天順丁丑五月十九先生德器充完涵養深粹居圓運方晦含顯靜待動長不踰中人而信古任道有萬鈞之力崇正闢邪有萬夫之勇至於羣吠衆譟不震不搖則又有百鍊之剛焉誠孝天性伯叔無異財居家冠婚喪祭襲用儀禮身無完衣子女踰期無力嫁娶噫亦難矣

公之生平嘗欲以一身任世責之重而盡還淳樸之風愛君憂國性貞然也教人必先身心四方從學屢恒滿戶外先生正容端坐澄心定氣使躁慮消息方與開講辨析疑義細入毫芒而文字正大不涉荒怪故門下之士咸大名掄大魁者指不勝屈嶺南教法以厚倫爲本格物窮理務以修身而達之天下爲期假之數年文教可知也先生爲政以風化爲先而誠動之普安夷俗有贊禮將先飲以示無毒先生曰何不相信如是飲其酒却其贊衆皆感畏以遵約束終生平不妄殺一人寬輸納禁火葬凡所設施皆大有裨益於人世有兄弟爭訟者先生久不決曰將使自感悔耳旣而果然鄉溪義勇以私隙誣鄰爲盜斷其舌而污鬻其妻女鄰斃獄中先生宿驛舍夢若有聲音狀詰且果得訐者一訊而服永豐銀冶羣盜時竊發先生巡視解散同寅坐事先生爲曲處乞印易牒公獨執不從曰某平生惟辦此一片心事君果誰欺耶其人自悔服遇事詳緩恪慎不用爲沽釣王介庵對人必曰佳士予長先生五歲始識之同年稠衆中委蛇暇豫德輝動人自是屬心焉先生亦謬許可至姚安之行當時無復敢送者獨先生與楊公蓬庵數君子致詩先生復徒步十里許爲別則知己鬻馬爲論列計矣後予旣復官先生亦就謫他所因道過潤州得拜易洞先生於舟次予益信先生所得之深又數年過潤則先生之廬不庇風雨予括囊僅助二金嶺南之行復助一公服又數年又過潤則先生之廬幾不可入矣或問先生儒而迂何至一第不治曰有之樂道陋巷顏子則然何至女子二十一不嫁曰有之程氏孝女明道則然何至在士大夫亦有異議者曰有之閭道不識滌溪則

然先生其猶幸生於今之世無考亭之難處者耶抑儒運之衰一至此極而天亦有所陰佑于不獲已之間爲承祧之地者耶先生號補齋所著有補齋集八卷大學疑義一卷洪範正誤一卷四禮儀注四卷中庸語孟說未脫稿又欲繼朱子之志以儀禮爲經禮記及諸經有及於禮者爲傳補以註疏尙未成書云予知公之深故樂爲之傳

又補齋先生贊儒學不傳得其門者或寡補齋或將有意焉冲澹渾融窮探力贖而志之所得不息不歧觀其行已事君誨人著論大略可見已使得幸而及程朱之門淵源之續其殆庶幾焉倉卒水禍比得屍而衣冠端整如生存殆所謂俟命之至確乎其不亂者斯補齋之終也

邵寶祭提學丁玉夫先生溺水文於乎溺者古之所不弔也今玉夫乃死於溺溺其身甚矣舉家溺焉僅遺其一子水哉水哉何太濫於玉夫也哉吾嘗觀玉夫之平生譬之於水其溺於水者蓋屢矣吾略言之而玉夫聽焉昔在成化乙巳玉夫以進士官中書嘗因星變疏陳十事侃侃切直衆咸謂或有濡尾首之凶賴先帝明聖玉夫得以無罪此其欲溺而免者一也玉夫謫普安不便其水土衆咸謂玉夫濡尾之虞縱不在近則必在久既而今上卽祚移判廣信此其欲溺而免者二也玉夫在廣信若千年轉知興國又若千年其中勞於州郡吏梗與夫遭喪而貧病憂辱百患備極衣衾之戒益兢兢焉而玉夫無患志此其欲溺而免者三也今經一載兩轉視學嶺南蓋出險脫危而超於困孰意其真死於溺也嗚呼哀哉向也玉夫溺於世途則王三原援之倪文毅援之匪爲玉夫爲天

下也今溺於水亡其身以及其家乃無一援之者或謂世途險於山川豈其然哉雖然玉夫之心固不溺也耿耿者存將托神江湖以指天下之迷乎將假澤星漢以潤天下之枯乎抑將樹靈砥柱以鎮天下之流乎玉夫有知當感於吾言矣西望長江東臨太湖天下之水一也壇位其間玉夫其不溺猶中州揚靈來耶蠡彭清波吾將挹之以酌玉夫爾惠泉一勺傾我心曲哀哉尙饗

補齋之督學廣東明廷授以勅書詳載學官職務丁譜載之可以考見明代學政

敕諭廣東按察司副使兼提督學政丁璣曰朕惟自古帝王治天下者率以興學育材爲首務而學校之興廢人材之盛衰治道之隆替繫焉此蓋已然之明驗也今特命爾巡視提督廣東各府州縣儒學爾其欽哉夫總理一方之學政是卽一方之表率也然率人以正必先正己爾其務端軌範嚴條約公勸懲俾爲師爲弟子者一崇正學延正道革浮靡之習振篤學之風庶幾儲養有素而待用不乏斯足稱簡任之意如或因循歲月績效弗彰朕將爾責焉爾其勛哉所有合行事宜申明條示於後其慎行之毋忽故諭 一學者讀書貴乎知而能行先將聖賢經書熟讀背誦牢記不忘却從師友講解明白俾將聖賢言語體而行之敦尚孝弟忠信禮義廉恥之行不許徒務口耳之學將來朝廷可得真才任用 一爲學工夫必收其放心主敬窮理毋得鹵莽間斷其於修己治人之方義利公私之辨須要體認精切庶幾趨向不差他日出仕方能顧惜名節事業可觀 一習學舉業亦窮理之果能精通四書本經便會行文有等生徒不肯實下工夫惟記誦舊文意圖僥倖出身今宜

痛革此弊其所作四書經義策論等文務要典實平順說理詳明不許浮誇怪誕至於習字亦須端楷庶不乖教養之意 一學校無成皆由師道不立今之教官賢否不齊先須察其德行考其文章果所學皆善須禮待之若一次考驗學問疎淺及怠於訓誨者姑試勵之令其進學改過若再考無進不改送吏部別用其貪淫不肖實跡彰聞者不必考其文學卽拏送按察司問理吏部別選有學行者往補其闕 一師生每日坐齋讀書及日逐會饌有司令與膳夫齋夫府學膳夫四名齋夫八名州學膳夫三名齋夫六名縣學膳夫三名齋夫四名不許違誤缺役 一生員考試不諳文理者廩膳十年以上發近處去充吏六年以上發本處充吏增廣十年以上發本處充吏六年以上罷黜爲民廩膳增廣未六年者量加決罰勉勵進學 一生員之家並依洪武年間例除本身外戶內優免二丁差役有司務要遵行不許故違 一巡視學校水路乘驛舟陸路乘官馬仍於本司帶書吏一名隨行陸路與官驢俱支廩給 一府州縣提調官員宜嚴束生徒不許出外遊蕩爲非凡學內殿堂齋房等屋損壞卽辦料量工修理 一有提督憲職將學校中一切合行之事推故不行用心整理者量加決罰懲戒 一所過之處遇有軍民利病及不才官吏貪酷害人事干奏請者具實奏聞 一本職專督學校不理刑名如有軍民人等訴苦冤狀等事許受詞狀輕則發下所在有司問理重則送按察司提問 一科舉本古者鄉舉里選之法今南北所取舉人名數已有定制近來奔競之徒利他處學者寡少往往赴彼投充增廣生員詐冒鄉貫隱蔽過惡一概應試所在教官僥倖

以爲己功其弊滋甚今後不許違者聽本職及提調官科舉監試官拏問 一布政按察司官及巡按御史不許侵越提督者職事若以公務至府州縣亦當勉勵師生勤力學業不許推托不理若提督官員行止不端許巡按御史指實奏聞 一所轄境內遇有衛所學校一體提調整理武職子弟悉令習讀武經七書百將傳及操習武藝其中有能習舉業者亦聽就科舉 一各處歲貢生員照例將食糧年深者嚴加考試不必會官如果年深不堪充貢就便照例黜罷却以次者考充務要通曉文理方許起送赴部 一廩膳增廣生員已有定額廩膳有缺于增廣內考選學問優等者幫補增廣有缺於本處官員軍民之家選擇資質聰明人物俊秀子弟充補不許聽信有司及學官徇私作弊若有額外之數須嚴加考選通曉文義者存留待缺不許將不堪者一概存留以躲避差徭 一古者鄉閭里巷莫不有學卽今社學是也爾凡是提督去處卽令有司每鄉里俱設社學擇立師範明敏教條以教人之子弟年一考較責取勤效仍免爲師之人差徭 一師生於學校一切事務並要遵依洪武年間臥碑不許故違 弘治十四年九月十九日

補齋所至講學雖在謫官不廢觀其諭普安州學諸生文知其督學時必能實行明廷之勅諭不至視爲具文

丁璣諭普安州學諸生文傳云君子深造之以道欲其自得之也又云不以規矩不能成方員不以六律不能正五音是知人不可以不學而學必有則也今朝廷設學校以教育天下之士而造就之其

法先德行而後文藝尙經術而黜浮華故爲士者德行必謹經學必明達而爲文足以明道措之於事足以華國然有司三年一大比論其秀者而進之固非爲聲名利祿之計以爲學者也吾見近來學者多不務實未知讀書便有覬覦冠冕之意未知識字已有僥倖科第之心甚至破壞經書割裂文義專講題目而於身心性情了無所干其所以爲藝者亦書不足以爲句文不足以爲文耳士習轉薄豈聖賢立言垂訓朝廷建學立師之初意哉吾爲此懼且職在典領不敢以默雖不肖之身無所取則然於先正教人之法猶獲與有聞焉謹述所聞爲日程條目一二與諸君共之願諸君以已心爲嚴師讀書慎行尙友古人不息而日進焉將日有所得今之所謂士習之弊者固不敢望於諸君之身而諸君之所以自立者固亦不待率之而後從督之而後勉也其敬識之

至諭禁火葬文剴切深至亦奉行當時禁約而以儒家學理開示民衆與勸學之文相輔者也

又諭民禁火葬文予讀洪範需用五福威用六極之文以爲福有五而最貴者考終命極有六而最甚者凶短折蓋人生於世壽富康寧固爲可喜若不得其死則併前之壽富康寧皆不得爲福矣所謂不得其死者何也焚於火溺於水陷於刑戮拘於桎梏覆壓顛墜縊刎不得盡其天年者皆是也此洪範之所謂凶短折者也故孝子慈孫之於父祖仁父慈母之於子孫兄之愛其弟弟之愛其兄夫之於婦婦之於夫居而相祈出而相祝疾病而相禱者莫不欲其免於是數者之禍也幸而免是老病以終福莫大焉予自到任以來才德平常無益於風化惟於火化之俗驚駭惻怛不安寢食夫此

地昔者僻在窮荒不被先王之化其俗固有由然今我明繼照百年於茲重熙累洽漸淪華夷無不變之俗而此郡猶存陋習吾甚痛之典牧不才不足以風動吾民無所逃罪矣敢述所聞以爲民勸且夫人生不幸而不得其死則行禮者不弔親戚骨肉極其哀痛而莫可告訴抱恨無涯以爲不祥之至今幸而盡其天年終於泉下爲子孫親戚者乃更投尸烈焰之中復煎熬焚煉之有日者所不忍視有耳者所不忍聞少有孝慈之心者忍爲之乎且人情所畏莫甚於刑所苦莫甚於痛楚而刑之痛楚者尤莫慘於炮烙彼平居炙於火者苟有一星之火暴在肌膚之間則吹噓拂拭惟恐不速而况加之炮烙今生既免於水溺與刑死而復加之炮烙仁者忍爲之乎故古以人焚化爲死者之極刑良有以也又古者之於人死也持其衣升屋而號三日而後殯三月而後葬前此猶望其復生也此而不生則不生矣乃反於室祔於廟以死者之禮祭之故有善葬其親者其往也如慕其反也如疑蓋不忍遽死其親也今一息方斷肉未及寒舉而焚之不死其親者果如是乎又先王喪親之禮卜宅兆而安厝之春秋祭祀以時思之蓋以陰精陽氣合而爲魂魄死則魂升魄降骨肉歸復於土生者不可還矣而其形骸未敝精爽猶存聚子孫之精誠極哀敬思慕以祀之有來格之理故葬必厚附於棺者勿使土侵膚祭必誠其齋者必見其所祭今使骨肉肢體一燻而爲煨燼形銷影竭了無子遺殆甚於狐狸之食蠅蚋之嘬者矣雖有棺槨衣衾牲牢醴齊亦何所用之此智者之所必不爲矣噫天理常存人心不泯苟有知愛敬之道者必脫然感悟於斯何惡俗之不可革美化之不可

可行哉特出此文以示郡中士民相期同歸於仁厚之域倘漸染膠固不可遽化則又深有望於一二詩禮名族爲之倡云誠懇拳拳想宜知悉

補齋所著書世既不傳其文之行世者亦甚鮮丁譜載其文十餘篇皆志乘所未載其言多有關於掌故政術及其生平學行

丁璣與郡守熊公書伏自春觀還治久不奉問缺然懸情維時冬初霜露清寒恭想動止倍納亨佳江海之靡令行禁止揮却如惹秋深以來禾穀蔽野人歌天相政化漸被日深欣樂之餘百福咸萃當有餘功以及文墨懷古問遺剛揚前人未顯之風創起前代久湮之蹟足以感人心而益善政不淺也某且喜且俟吾鄉有先儒曰寶從周及其弟澄湯泳皆從晦庵先生游有德行著於鄉鄉之後進無能知者茅湘高桂二公皆宋末仕海上死國難閣下若表而出之祀之於鄉賢祠亦千載盛事愚心不勝惓惓

又上王天官書璣謹再拜上書太保冢宰大人先生閣下今聖天子新卽位勵精求治清明如神得天下之元老洪名碩德足以服厭衆望者而用之有如閣下明良之遇有兆孰不延頸拭目覲見太平璣雖愚請以千慮之一爲獻焉夫天下之事有本末緩急之序大臣以身任天下責必先有定見而後有定守不漫爲隨時應文救弊之舉不惑於浮議失機而後時故能全名實善去就建萬世策以致聖主於三代也竊窺今日致治之道閣下之職大本無急於正君者然非一人一日之力主上俚

偃獨立無股肱心膂之臣閣下兀然孤居亦不見有羽翼協和之士而國家萬事盡壞已極汲汲以救之猶恐坐失機會若復目爲常時常事不爲之長慮却顧而早圖之設主志一移事將有不勝其難爲者矣朝廷之所倚重萬民所望百官庶士之所觀聽而竊議山林巖穴之賢之所卜其進退以爲否泰于閣下者不淺閣下宜定厥見圖大行難出非常之策以塞衆望日暮途遠不宜悠悠而已也賢才者正君心之利器也庸俗之人衆則君德衰拘滯之法多則賢才少故聖如堯舜猶急親賢貽謀如成湯保衡如伊尹猶旁求俊彥文武之君周公爲輔相猶吐哺握髮以延多士而況不及之者乎其他古之大臣未用之日天下豪傑已識拔於門牆一旦立乎其位則平日所知連類而進呼吸之間忠賢布滿於朝其於致君澤民亦賴得多賢之助所以功成而名垂後也今閣下欲致主上爲堯舜自期以伊尹周公苟不惜分陰急先務求經濟之才與之共理而乃以常規救極弊竊爲閣下惜之願閣下早進嘉謨勸天子修身尊賢以先定其向道之志破諸無益之例多開進賢之門訪召英髦廣儲速用置之腹心耳目喉舌之地以朝夕共承弼之庶幾君子道長本正源清而凡制治保邦之事其次第而舉也與天下之才共成天下之務同寅協恭以尊強本朝豈不盛哉以是志守而行必大有功不然人心風俗之壞已甚舉目寥寥人才凋落閣下處此榮利淵藪一開口而欺之者至矣乃欲以一人之智慮而上當格君之任下盡知人之責戛戛乎其難哉日復一日將有伺閣下之隙借爲口實以貳朝廷任賢之心者而自公進長天官璣傾聽逾月未有所聞豈事無可爲賢